

Na osnovu članova 69., 70. i 71. Zakona o javnim nabavkama („Sl. glasnik BiH“, broj 39/14), a u vezi sa Rješenjem o prenosu ovlaštenja na državnog službenika u organu državne službe broj: 02-05-3930-2018 od 31.05.2018. godine, Pomoćnik gradonačelnika za Službu za komunalne poslove, izgradnju i poslove mjesnih zajednica, donosi

ODLUKU

o poništenju postupka javne nabavke

Član 1.

Poništava se postupak javne nabavke radova – Regulacija rijeke Jale u Slavinovićima (II faza) u gradu Tuzla u skladu sa članom 69. stav 2. tačka d), odnosno iz razloga što nijedna od primljenih ponuda nije prihvatljiva.

Član 2.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. Zakona o javnim nabavkama.

Član 3.

Ova odluka objavit će se na web-stranici ugovornog organa (www.tuzla.ba), u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05-01-23-198/15 od 05.10.2015. godine. Postupak nabavke je proveden putem otvorenog postupka za koji je objavljeno Obavještenje o nabavci broj: 1004-1-3-102-3-90/15 na Portalu javnih nabavki 30.10.2015 godine i u „Službenom glasniku BiH“ broj 85/2015 od 09.11.2015 godine.

Grad Tuzla, Služba za komunalne poslove, izgradnju i poslove mjesnih zajednica (u daljem tekstu: Služba) je po provođenju otvorenog postupka za odabir najpovoljnijeg ponuđača za izvođenje radova na regulaciji rijeke Jale u Slavinovićima (II faza) u gradu Tuzla, donio Odluku o poništenju postupka javne nabavke broj: 05-01-23-198-2/15 od 14.12.2015. godine, na koju Odluku je ponuđač „Gradnja 1“ d.o.o. Tešanj uložio žalbu. Rješenjem Ureda za razmatranje žalbi BiH broj: JN2-01-07.1-1598-6/16 od 19.01.2016. godine žalba žalitelja je uvažena i predmet vraćen na ponovni postupak ugovornom organu.

U ponovnom postupku, Služba donosi Odluku o poništenju postupku javne nabavke broj: 05-01-23-198-5/15 od 05.02.2016. godinu, uvažavajući uputu drugostepenog organa kojom se nalaže postupanje u skladu sa zakonskim propisima i tenderskom dokumentacijom, a na koju Odluku „Gradnja 1“ d.o.o. Tešanj ponovo ulaže žalbu zbog nepostupanja prvostepenog organa – Grada Tuzla po nalogu drugostepenog organa.

Postupajući po novoj (drugoj) žalbi žalitelja, Ured za razmatranje žalbi BiH donio je Rješenje broj: JN2-01-07.1-131-5/16 od 07.04.2016. godine kojim se poništavaju akti prvostepenog/ugovornog organa (Zapisnik o pregledu i ocjeni ponuda u ponovnom postupku, od 05.02.2016. godine i Odluka o poništenju postupka javne nabavke broj: 05-01-23-198-4/15 od 05.02.2016. godine) i predmet se vraća prvostepenog organu na ponovni postupak uz uputu da postupi po Rješenju drugostepenog organa broj: JN2-01-07.1-1598-6/16 od 19.01.2016. godine.

U ponovnom postupku, dakle postupajući po Rješenju drugostepenog organa broj: JN2-01-07.1-131-5/16 od 07.04.2016. godine, Služba donosi novu Odluku o poništenju postupka javne nabavke, broj: 05-01-23-198-6/15 od 24.05.2016. godine, pozivajući se na odredbe člana 69. stav 3. Zakona o javnim nabavkama,

jer je prethodno, aktom Ministarstva poljoprivrede, šumarstva i vodoprivrede TK, broj: 04/1-25-11833/16 od 05.05.2016. godine obaviješteno da, po Programu ulaganja sredstava vodnih naknada u oblasti vodoprivrede za 2016. godinu, nije uvršten predmetni projekat, ističući da je to za ugovorni organ razlog za poništenje koji je nastupio izvan njegove kontrole. Na navedenu Odluku imenovani ponuđač ponovo ulaže žalbu zbog nepostupanja prvostepenog organa po aktima, odnosno uputama drugostepenog organa.

Postupajući po predmetnoj žalbi imenovanog žalitelja, Ured za razmatranje žalbi BiH donio je Rješenje broj: JN2-01-07.1-319-7/16 od 27.04.2016. godine kojim se, između ostalog, ista uvažava. te kojim se poništava Odluka o poništenju postupka javne nabavke Grada Tuzla, broj: 05-01-23-198-6/15 od 24.05.2016. godine.

Protiv konačnog Rješenja Ureda za razmatranje žalbi Bosne i Hercegovine, broj JN2-01-07.1-319-7/16 od 27.04.2016. godine, Služba za komunalne poslove, izgradnju i poslove mjesnih zajednica Grada Tuzla (u daljem tekstu: Služba), putem Gradskog pravobranilaštva, kao zakonskog zastupnika Grada Tuzla, blagovremeno je podnijela tužbu Sudu Bosne i Hercegovine, te je od postupajućeg suda traženo, na osnovu i u skladu sa odredbama člana 115. stav 3. Zakona o javnim nabavkama, odlaganje izvršenja predmetnog rješenja do donošenja odluke po tužbi u upravnom sporu.

Nakon što je Služba dana 07.02.2018. godine zaprimila Presudu Suda Bosne i Hercegovine broj: S1 3 022927 16 U od 26.01.2018. godine kojim se predmetna tužba Grada Tuzla odbija, upućen je upit privrednom društvu „Gradnja 1“ d.o.o. Tešanj da li ostaju pri ponudi dostavljenoj u okviru predmetnog postupka javne nabavke, imajući u vidu činjenicu da je opcija ponude istekla, te da je prema odredbama Zakona o javnim nabavkama Služba bila u obavezi dostaviti predmetni upit ponuđaču.

Kako na navedeni upit Službe nije odgovoreno od strane imenovanog ponuđača, Služba je istom uputila Urgenciju u kojoj je napomenuto da se, u slučaju nedostavljanja odgovora od strane ponuđača na pismeni zahtjev ugovornog organa, u skladu sa članom 60. stav 3. Zakona o javnim nabavkama („Službeni glasnik Bosne i Hercegovine“, broj: 39/14), smatra da je isti odbio zahtjev ugovornog organa.


Dana 13.06.2018. godine, kao odgovor na Urgenciju Službe, Služba je zaprimila dopis advokata dr.sc. Almira Gagule iz Sarajeva, u kojem se između ostalog, navodi da nisu u mogućnosti realizovati predmetni postupak javne nabavke, jer je u međuvremenu došlo do enormnog porasta ulaznih kalkulativnih cijena koje dovode do ukupnog poskupljenja od 40%.

Uzimajući u obzir izjašnjenje ponuđača „Gradnja 1“ d.o.o. Tešanj zastupanog po advokatu Almiru Gaguli iz kojeg nedvojbeno proizlazi zaključak da isti odustaje od svoje ponude, kao i ocjenu o neprihvatljivosti preostalih ponuda izvršenu u ranijim postupcima, primjenom člana 69. stav 2. tačka d) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema ove odluke.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
Služba za komunalne poslove, izgradnju
i poslove mjesnih zajednica



POMOĆNIK GRADONAČELNIKA

Mirela Uljić
mr.sc. Mirela Uljić, dipl.ing.grad.

Broj: 05-01-23-198-8/15
Tuzla, 05.07.2018. god.